

LUTRIJA BOSNE I HERCEGOVINE d.o.o.
NADZORNI ODBOR

Na osnovu člana 22. Zakona o igrama na sreću ("Sl. novine FBiH", broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 22.12.2015. godine, donio je

P R A V I L A
lokalnog JackPota na automatima

1.OPŠTE ODREDBE

Član 1.

Ovim Pravilima utvrđuje se način i uslovi pod kojima LUTRIJA BiH sa sjedištem u Sarajevu u ulici Mehmeda Spahe br.11 (u daljem tekstu: priređivač) u skladu sa Zakonom o igrama na sreću, priređuje posebne igre na sreću, na automatima koji nisu uvezeni u sistem automata, na teritoriji na kojoj Lutrija BiH obavlja svoju djelatnost.

Član 2.

Za regulisanje prava, obaveza i odgovornosti korisnika JackPota važeća su ova pravila i ona su obavezna kako za igrače koji su ih prihvatili tako i za Lutriju BiH.

2. OBJAŠNJENJE NAZIVA

Član 3.

U ovim Pravilima koriste se slijedeći pojmovi:

- Igračnica - objekat u kojem je Lutrija BiH instalirala automate;
- Lokalni server - računar u igračnici na kojem se prikupljaju podaci sa automata na nivou igračnice i prosljeđuju se centralnom serveru;
- Lokalni JackPot - novčani iznos koji nastaje od doprinosa svih automata u jednoj igračnici;
- Informativni pano - elektronski panel na kome se prikazuje vrijednost Lokalnog JackPota, te informacije o dobitcima/iznos, vrijeme i broj automata/;
- Aktivni automat - automat povezan u lokalnu mrežu i na kome se trenutno igra.

Član 4.

Dobici JackPota se automatski realizuju kao dobiti na određenom automatu i evidentiraju na lokalnom i centralnom serveru u vidu izvještaja o dobitku /JackPot dobiti/.

Član 5.

Visina JackPota i procenat dobitka lokalnog JackPota utvrđuje se odlukom direktora Lutrije BiH, a na prijedlog stručne službe.

Lutrija BiH zadržava pravo da izvrši korekciju procenta.

Član 6.

Dobitak je iskazan u feninzima, odnosno poenima, 1 poen = 1 fening.

Član 7.

Igrač dobiva cjelokupan iznos ostvarenog JackPota.

Član 8.

Lokalnim JackPotom upravlja lokalni server u igračnici. Njegov iznos se uvećava sumiranjem doprinosa pojedinih automata instaliranih u jednu igračnicu. Vrijednost doprinosa se reguliše procentom od uloženi iznosa igrača.

Lutrija BiH zadržava pravo da izvrši korekciju procenta.

Član 9.

Dobitak lokalnog Jackpota ostvaruje se slučajnim izborom aktivnog automata, kada vrijednost lokalnog JackPota premaši zadanu minimalnu vrijednost.

Lutrija BiH zadržava pravo da izvrši korekciju minimalne i maksimalne vrijednosti lokalnog JackPota.

Član 10.

Evidencija o rastu, istoriji i dobitima JackPota vodi se na lokalnom i centralnom serveru i čuva se dvije godine.

Član 11.

Na informativnom panou u igračnici prikazuje se aktuelno stanje JackPota, kao i iznos posljednjeg dobitka i automata na kome je ostvaren.

Član 12.

Odluku o objektima u kojima će se na automatima instalirati lokalni JackPot donosi direktor Lutrije BiH.

3.ZAVRŠNE ODREDBE

Član 13.

Ova pravila su istaknuta na vidnom mjestu u svim igračnicama i automat klubovima, te su tako dostupna svim učesnicima u igri.

Član 14.

Stupanjem na snagu ovih Pravila, prestaju da važe Pravila lokalnog JackPota na automatima broj: 01-6-1426-8-3-MS/2012 od 04.09.2012.godine

Član 15.

Ova pravila stupaju na snagu danom donošenja, a primjenjivat će se od prvog narednog dana od dana objavljivanja u jednoj od dnevnih novina.

Broj: 01-57-2308-8/15
Dana: 22.12.2015. godine

P R E D S J E D N I K

Miroslav Ćorić, s.r.